

Zeitschrift: Annalas da la Societad Retorumantscha

Herausgeber: Societad Retorumantscha

Band: 121 (2008)

Artikel: Igl archiv da fotografias dil Dicziunari Rumantsch Grischun

Autor: Giger, Felix

DOI: <https://doi.org/10.5169/seals-236932>

Nutzungsbedingungen

Die ETH-Bibliothek ist die Anbieterin der digitalisierten Zeitschriften auf E-Periodica. Sie besitzt keine Urheberrechte an den Zeitschriften und ist nicht verantwortlich für deren Inhalte. Die Rechte liegen in der Regel bei den Herausgebern beziehungsweise den externen Rechteinhabern. Das Veröffentlichen von Bildern in Print- und Online-Publikationen sowie auf Social Media-Kanälen oder Webseiten ist nur mit vorheriger Genehmigung der Rechteinhaber erlaubt. [Mehr erfahren](#)

Conditions d'utilisation

L'ETH Library est le fournisseur des revues numérisées. Elle ne détient aucun droit d'auteur sur les revues et n'est pas responsable de leur contenu. En règle générale, les droits sont détenus par les éditeurs ou les détenteurs de droits externes. La reproduction d'images dans des publications imprimées ou en ligne ainsi que sur des canaux de médias sociaux ou des sites web n'est autorisée qu'avec l'accord préalable des détenteurs des droits. [En savoir plus](#)

Terms of use

The ETH Library is the provider of the digitised journals. It does not own any copyrights to the journals and is not responsible for their content. The rights usually lie with the publishers or the external rights holders. Publishing images in print and online publications, as well as on social media channels or websites, is only permitted with the prior consent of the rights holders. [Find out more](#)

Download PDF: 22.08.2025


ETH-Bibliothek Zürich, E-Periodica, <https://www.e-periodica.ch>

Igl archiv da fotografias dil Dicziunari Rumantsch Grischun

Felix Giger


II DRG – in vocabulari illustrau

Ils fundaturs dil Dicziunari han concepiu lur ovra buca mo sco ina vasta collecziun da plaids romontschs ord ils dialects ed idioms ed ord la litteratura cun explicaziuns dalla significaziun, mobein era sco lexicon dalla cultura materiala dils Romontschs. Quei concept pretenda che artechels che tractan objects e materias realas vegnien accumpaignai ton sco pusseivel da maletgs che dueien mussar co ina caussa vesa ora ed illustrar co ella funcziuna. Las 8511 paginas text dil DRG, publicadas entochen ussa, cuntegnan 848 illustraziuns en fuorma da fotografias, dessegns e cartas linguisticas. Co l'idea ei vegnida realisada savein nus observar en l'illustraziun digl artechel *abstall* (1, 66) che cuntegn ils emprems dus dessegns e l'emprema fotografia.



L'emprema illustraziun dil DRG, fatga dil dessignader Otto Garraux
igl onn 1938. Ella muossa il stan da tagliar ora peis da Latsch.

Auters artechels che muossan fetg bein la funczun dil maletg el DRG ein da cattar tier *char* (3, 341) cun 48 illustraziuns, *chischner* (3, 575) cun 18 illustraziuns e *filadè* (6, 303) cun 15 illustraziuns.




Pagina d'illustraziun ord igl artechel *chischner* (3, 575) che muossa il tip d'in chischner liber ed ils detagls impurtonts dalla construcziun. Las letras renvian a la part descriptiva e terminologica digl artechel. Dessegn da Toni Nigg, illustrader dil DRG naven da 1940 entochen 1984.

Igl ei buca pusseivel da dessignar ina pagina sco quella dil chischner senza in vast material da documentaziun en fuorma da skizzas e fotografias. La gronda part dalla documentaziun necessaria per las illustraziuns dil DRG secatta egl Institut ed ei veginida rimnada dils redacturs, d'exploraturs e correpondents naven da 1904.

Ils redacturs sco skizzaders e fotografis

Gia ella fasa dalla recepziun dil material linguistic han ins recurriu a desegns e fotografias. La damonda 1428 dil questiunari MELCHER/PULT, tschentada als correspondents igl onn 1919, sefatschenta cun carrs e carpiens. Ella ei accumpagnada da 5 paginas cun skizzas da carrs, parts da



Emprema pagina da skizzas per la damonda 1428. Las parts ein numeradas cun cefras romanas e letras. Il correspondent sa scriver la terminologia en las skizzas u aschuntar ella en in fegl separau.

carrs, crocs e giuvs, en las qualas ils correspondents han saviu scriver ils numbs dils objects e lur parts.

Ils onns 1914–1916 ha il redactur CHASPER PULT (1869–1939) fatg ver 100 fotografias. El ha fotografaeu, specialmein en l'Engiadina Bassa, denton era en outras regiuns romontschas, crocs, bennas, carrs e targliuns, rodas da filar, lavurs funsilas sco igl arar e meder, ed usits populars sco la dschelpcha e la mastralia. L'emprema fotografia duvrada sco illustraziun el DRG (artechel *abstall* 1, 67) deriva da Chasper Pult.



Duas fotografias da Chasper Pult, pridas si entuorn 1914–1916.
Su: Trer fein a Ftan. – Sut: Spundivas a Sent.

Era suenter Pult fan ils redacturs da fotografis. ANDREA SCHORTA (1905-1990) ha fatg el decuors da sia carriera sco redactur e cauredactur ca. 380 fotografias dils pli differents objects, en special d'iseglia e baghetgs.



Tschun fotografias d'Andrea Schorta. – Sisum seniester: Poppas da graun a Scuol (1942). – Sisum dretg: Clavaziel a Cambleis/Pagig (1950). – Amiez seniester: Cargar ponns a Castiel (uost 1947). – Amiez dretg: Carr da fein primitiv a Fondei/Langwies (1944). – Giudem: Targliun sin la Muntogna da Schons (1938).



Exploraturs e retschercaders

Igl onn 1919 entscheivan ils professers svizzers da filologia romana, KARL JABERG (1877–1958) ed JAKOB JUD (1882–1952), cun lur gronda interpresa da geografia linguistica, igl aschinumnau «Sprach- und Sachatlas Italiens und der Südschweiz» (AIS), en la quala era il territori dil Grischun romontsch ei cumpigliaus. Igl emprem tom ei cumparius igl onn 1928, igl otgavel e davos igl onn 1940. PAUL SCHEUERMEIER (1888–1973), in dils principals exploraturs sper GERHARD ROHLFS (1892–1986), ha entschiet sia lavur il december 1919 a S. Maria en Val Müstair. El ha era giu l’incarica da fotografar ils objects explorai. Sin ses differents viadis atras il Grischun romontsch ils onns 1919–1921, 1935 e 1937 ha el fatg ca. 300 fotografias d’objects, ed il pictur artist PAUL BOESCH (1889–1969), che accumpignava el, ha creau 156 skizzas da rispli dils pli differents objects.

Quei material ei vegnius copiaus per igl Institut dal DRG e fuorma, ensemen cun las fotografias da CHASPER PULT, la basa dalla collecziun digl institut.





Quater fotografias da Paul Scheuermeier. – a) Sisum seniester: Vischala da lenn (S. Maria 24-12-1919). – b) Sisum dretg: Utensils da scuder (Lantsch 28-4-1920). – c) Giudem seniester: Persunas cun utensils da scuder (Zernez 16-8-1921). – d) Giudem dretg: Il sgnun dall’Alp Quader smuglia pischada (Breil 22-7-1937).



Duas dallas 156 skizzas da Paul Boesch. – a) Seniester: Giuv da tgau cun salvona e giuncla (Sent 1-10-1935). – b) Dretg: Detagls d'in targliun (Tschlin 3-10-1935).

Material fotografic ei era vegniu regalau al DRG entras singuls retscher-caders (dialectologs e folclorists), per ex. ina trentina da fotografias da CHRISTOPH LUCHSINGER (1873–1964), fatgas igl onn 1902 en connex cun sia dissertaziun «Das Molkereigerät in den romanischen Alpendialekten» (Turitg 1905), lu ca. 300 fotografias da CHRISTIAN LOREZ (1911–1997) ch'el ha giu fatg u schau far el rom da sia dissertaziun «Bauernarbeit im Rheinwald» (Basel 1943), 105 maletgs fatgs da BASELI COLLENBERG per



Treis fotografias da Christian Lorez cun vischala ed utensils da Valrein. – a) Seniester: Duas collecziuns da vischala da lenn. – b) Dretg: Differents tips da scharls.

sia laver da doctorat «Vrin (Lumnezia). Bauernarbeit, Sach- und Sprachkultur einer bündnerischen Gemeinde» (Friburg 1972, dactiloscript).



Rischlar en Valrein entuorn 1940. La carga ponns vegn ligiada cun la tretscha (fotografia da Christian Lorez).



Era en Valrein vegnevan lavazzas raccoltadas per perver igl engarschaun. Cheu portan puras e purs ils buordis a casa (fotografia da Christian Lorez, ca. 1940).



Era caussas che paran d'haver pintga impurtonza san esser documents. La fotografia a se niester, fatga da Baseli Collenberg a Vrin entuorn 1970, illustrescha igl artechel *geina* 7, 73). – A dretg ina veglia seiv a cunti. Fotografia fatga a Peist ca. 1950 d'in exploratur oz nunenconuscent per la «Perscrutaziun dalla casa purila el Grischun».

Derichsweiler e Meisser – duas collecziuns regaladas

Igl onn 1965 retscheiva igl Institut ca. 1600 diapositivs en fuorma da plattas da glas, deponidas en scatlas da lenn specialas ed ordinadas tenor regiuns. Ei retracta da material fotografic prius si specialmein en Sur-selva ils onns 1910–1930 digl alpinist ed inschignier tudestg WALRAM DERICHSWEILER (1872–1936), domiciliaus a Turitg. Essend che Derichsweiler era in alpinist passiunau, presentan ses maletgs preponderontamein cuolms e cuntradas, mo el ha era giu l'egliada per persunas ed objects. Quella collecziun da diapositivs, per part colurai a maun, era possess dalla Secziun Piz Terri dil Club alpin svizzer, dalla quala Derichsweiler ei staus president naven da 1925–1931. Igl onn 1931 fa la Secziun stampar in register da quella collecziun. Ensemen cun in apparat da projecziun vegnevan ils maletgs dai ad emprest a commembers dallas secziuns alpinisticas, a scolas ed a privats interessai. Essend che la tecnica ei sesviluppada cuntuadamein, havevan quels diapositivs piars lur valur pratica e stevan entuorn el hotel Oberalp a Glion senza saver vegnir duvrai, aschia che la radunanza generala dalla Secziun Piz Terri sut la presidenza da Dr. BERNARD CONDRAU ha decidiu da regalar la col-



Dus diapositivs da Walram Derichsweiler. – a) Seniester: Affons a Zervreila (Val S. Pieder). – b) Dretg: Duas soras a Bäch (Stussavgia).

leciun agl Institut dal DRG.¹ In detagl interessant: En las scatlas da lenn mauncan magari singulas plattas. Ellas vegnan ad esser idas empa-glia el decuors dils onns. En las scatlas da Stussavgia muncavan denton ca. 100 diapositivs. Igl onn 2007 ei dunna VERONIKA THURNEYSEN da Stussavgia/Zalön s'annunziada egl Institut ed ha purtau 79 plattas da vei-der che secattavien dapi ils onns 20 en casa paterna a Zalön. Ei setracta dalla gronda part dallas plattas da Derichsweiler che muncavan en las scatlas da Stussavgia! In cat nunspitgau!

Igl onn 1965 ha HANS MEISER (1889–1970) dad Aschera, fotograf a Tu-ritg, regalau agl Institut ca. 4800 fotografias sin pupi e plattas negativas, fatgas ils onns 1895–1934 per part aunc da siu bab CHRISTIAN MEISER (1863–1929).² Ei setracta da fotografias da cuntradas, da vitgs, casas ed interiurs ord ils cantuns Grischun, Tessin e Valleis e la Svizra centrala. Questa collecziun ordinada tenor cantuns e vischnauncas secatta en atg-nas scatlas d'archiv. Las plattas negativas sesanflan oz egl Archiv cantu-

¹ Annalas 80 (1967), pag. 207s., *DRG, rapport pels ans 1965–1966*; Annalas 94 (1981), pag. 110s.

² Annalas 80 (1967), pag. 207, *DRG, rapport pels ans 1965–1966*.



Treis fotografias ord la collecziun da Christian Meisser.


- a) Sisum seniester: Casa ad Affeier, Sursaissa. – b) Sisum dretg: Scuol entuorn 1909.
- c) Giubass: Scena prida si ad Alvagni igl onn 1907.

nal. Leu san ins era consultar ils dus gronds catalogs, screts a maun, cun las indicaziuns dil format, digl object e la numera dil negativ da mintga fotografia.³


³ HUGGER, PAUL: *Bündner Fotografen*. Biografien und Werkbeispiele. Chur, Zürich 1992, S. 183.

La perscrutaziun dalla casa purila 1945–1950

Ils onns 1965 e 1968 ein ils dus volums dall'ovra «Die Bauernhäuser des Kantons Graubünden» cumpari. Quella publicazion, cumpilada da dr. CHRISTOPH SIMONETT, sebas sin il material ch'ina roscha d'exploraturs han recaltgau ils onns 1945–1950 per incumbensa dil «Comite grischun per la perscrutaziun dalla casa purila» e dalla «Societad svizra da scienzas folcloristicas» a Basilea. Ei setracta da 8150 fotografias da 7180 objects (principalmein casas e clavaus ed auters baghetgs d'economia) e ca. 600 skizzas da detagl e 107 plans da vitgs. A siu temps haveva il cauredactur dil DRG, ANDREA SCHORTA (1905–1990), iniziant e president dall'acziun duront 7 onns, fatg la cundiziun ch'ina copia dil material rimnau vegni messa a disposiziun dil DRG. Quei material, deponius en 226 mappas



Exempel d'in fegl da documentaziun per la casa nr. 164 a Platengia, Sur-saissa.



Seniester: Fegl da documentaziun per dus detagls da dus clavaus a Sursaissa (sisum: orva d'aria en la preit d'in nuegl a Miranigia; giudem: scala-clavau avon in nuegl a Giraniglia). Dretg: Fegl da skizzas per in fuorn a Markal, Sursaissa.

specialas, ordinadas tenor vischnauncas, ei vegnius surdaus igl onn 1966 agl Institut.⁴


Il DRG cumpra fotografias – las collecziuns da Zeller e Maissen

Cunscienta dil grond survetsch che la documentaziun fotografica fa alla redacziun dil DRG, mo era ad auters perscrutaders dalla cultura grischuna ed alpina, ei la Societad Retorumantscha, purtadra digl Institut, era stada promta d'acquistar collecziuns da fotografias sin via da cumpra.

Ils onns 1970/71 ha ella per exemplu acquistau dil schurnalist e scribent turitges **WILLY ZELLER** (1900–1978) ca. 470 maletgs culs pli differents temas ord il Grischun (baghetgs, vitgs e cuntradas, interiurs, uaffens ed iseglia) e quei ensemes culs dretgs da publicaziun.⁵ Quei material, iden-

⁴ Annalas 80 (1967), pag. 208, *DRG, rapport pels ans 1965–1966*.

⁵ Annalas 84 (1971), pag. 278, *DRG, rapport per l'an 1970*; Ann. 85 (1972), pag. 170, *DRG, rapport pigl onn 1971*.



Fotografias da Willy Zeller. – a) Seniester: Sper fontauna a Duin. – b) Dretg: Val Fex.

tificabel grazia al bul che mintga maletg porta al revers, ei vegnius ordinlaus tenor vischnauncas ed integraus ella collecziun Meisser.

Igl enconuschent folclorist ALFONS MAISSEN (1905–2003) ha fatg el decuors da sia veta plirs mellis fotografias d'utensils e process da laver, da persunas, usits populars, baghetgs e cuntradas ord igl entir Grischun. En special ha el fatg entiras serias da maletgs sur differentas activitads sco il far clavau, far chischners, far canasters, far tretschas, dular pipas.



Il canistrer d'Axenstein, Sursaissa 1942 (fotografias d'Alfons Maissen).




Quater fotografias d'Alfons Maissen che muossan, co in chischner ei vegnius construius e derschius si la stad digl onn 1938 si Mumpé Tujetsch.

Igl onn 2004 ha igl Institut dal DRG acquistau sia collecziun da ca. 5000 fotografias e copias d'archiv.⁶ Il material ei deponius en scatlas d'archiv e fuorma ina atgna collecziun, ordinada tenor il sistem da cavazzins dalla collecziun dil DRG.

Toni Nigg, illustratur dil DRG

In scazi da gronda valur ein ils passa 250 desseguis originals d'objects ch'il scolast da dessegn TONI NIGG (1908–2000) ha fatg naven da ca.

⁶ Annalas 118 (2005), pag. 402, *DRG, rapport per 2004*; Annalas 119 (2006), pag. 373, *DRG, rapport per 2005*.



Treis dessegs da Toni Nigg, duvrai per illustrar igl artechel *char* (3, 346, 350 e 356).

- a) Sisum seniester: Il carr davon cun ses detagls. – b) Sisum dretg: Las laitras d'in carr da fein. – c) Giudem: Carr da laitras primitiv cun duas rodas, la *veula*.

1940 entochen 1984 per igl Institut. Ca. 200 da quels ein gia vegni duvrai per illustrar artechels dil DRG sco per ex. il bi maletg dil chischner, la gronda part dil rest vegn a survir per artechels futurs.

Il sistem d'ordinaziun ed archivaziun

Entochen igl onn 1974 vegnevan las fotografias che fagevan buca part dallas collecziuns DERICHSWEILER, MEISSER e CASA PURILA archivadas sin cartinas en la grondezia da carta postala e deponidas en ordinaturs (format A 4) ed en mappas. Igl access a quei material era daventaus ordvart difficils, demai ch'ei existeva buca in register da materias che vess lubiu da tschercar ed anflar il giavischau en temps nizeivel. Aschia han ins deci-

diu da cumprar ina scuffa da registratura en metal e cular las fotografias sin cartinas specialas el format A 5, s'orientond per l'ordinaziun tenor il sistem da cavazzins tematics dalla documentaziun d'objects dil Museum Retic.⁷

Igl onn 1996 ha igl Institut programmau ina banca da datas electronica che sebas sin la classificaziun da 1974. Il maletg cheu sut muossa la surfatscha d'entrada cun ils singuls camps d'endataziun. El decuors dils 10 onns passai ei la gronda part dil material fotografic vegnius digitalisaus e registraus en quella banca da datas. Dapresent cuntegn ella passa 25000 unitads.



⁷ Annalas 88 (1975), pag. 282, DRG, rapport per l'an 1974.

	2675	Heuen	Geräte	Schroteisen
<input type="checkbox"/>	Heuschroteisen			Rät. Museum Chur
<input checked="" type="checkbox"/> 148 <small>Camelida</small>				DRG
	2676	Heuen	Geräte	Sensen
<input type="checkbox"/>	Mann mit Sense			
<input checked="" type="checkbox"/> 7 <small>Camelida</small>	Breil			DRG
	2677	Heuen	Geräte	Sensen
<input type="checkbox"/>	Sensen	6344		Paul Scheuermeier, Bern
<input checked="" type="checkbox"/> 7 <small>Camelida</small>	Breil	21.07.1937		DRG
	2678	Heuen	Geräte	Sensen
<input checked="" type="checkbox"/> X	Tragen der Sense beim Hinterrhein			Christian Lorez, Chur
<input checked="" type="checkbox"/> 92 <small>Camelida</small>	Juli 1937			DRG
	2679	Heuen	Geräte	Sensen
<input type="checkbox"/>	Sense			Mena Grisch, Tinizong
<input checked="" type="checkbox"/> 108 <small>Camelida</small>	Tinizong	1942		DRG
	2680	Heuen	Geräte	Sensen
<input type="checkbox"/>	Kornsense			Mena Grisch, Tinizong
<input checked="" type="checkbox"/> 108 <small>Camelida</small>	Tinizong	1942		DRG
	2681	Heuen	Geräte	Sensen
<input type="checkbox"/>	Kornsense			Mena Grisch, Tinizong
<input checked="" type="checkbox"/> 108 <small>Camelida</small>	Tinizong	1942		DRG
	2682	Heuen	Geräte	Sensen
<input type="checkbox"/>	Kornsense			Mena Grisch, Tinizong
<input checked="" type="checkbox"/> 108 <small>Camelida</small>	Tinizong	1942		DRG
	2683	Heuen	Tätigkeiten	Wetzen
<input type="checkbox"/>	Mann beim Wetzen	6308		Paul Scheuermeier, Bern
<input checked="" type="checkbox"/> 191 <small>Camelida</small>	Silvaplana	15.07.1937		DRG
Hauptseite	Eingabe	sortieren	suchen	fortfahren

Surfatscha en fuorma da giesta che cuntegn las informaziuns da basa, destinada per dar ina sperta survesta. La giesta sa vegnir stampada sin pupi format A4 e survescha aschia sco documentaziun da lavur